



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. V. An in causa matrimoniali ahenti petitiorio, possit opponi  
possessorium recuperandæ?

---

[urn:nbn:de:hbz:466:1-73001](#)

titia illi negat restitutionem cohabitatio-  
nis; unde Reus nullo gaudet titulo agen-  
di ad recuperandam ejus possessionem ti-  
tulo Spoliationis injustæ; ratio secundæ  
est; quia quamdiu Adulterium, ut indu-  
strium divortii, non est ita notorium, ut  
agenti ad restitutionem adimatur omnem  
tergiversationem, vel inficiationem, pe-  
nitentia ejus retinet privilegium jure commu-  
ni spoliatis concessum, ut spoliatus ante  
omnia restituatur; spoliator prius non au-  
diatur; & spoliatus huic respondere non  
cogatur per c. fin. de ord. cognit.

1256. Ex hoc etiam respondeatur ad c. *Signifi-  
casti, & c. porrò, de quibus supr. num.  
1249.* Nam, quando in c. *Significasti*  
dicitur, si notorium est, mulierem ipsam  
adulterium commisisse, ad eam recipi-  
endam Virum cogi non debere; intelli-  
gitur, si sit plenè notorium, prout expo-  
luitus num. 1254. notorieratem ad hunc  
effectum requisitam; & quando in c. *Porrò*  
dicitur, etiamsi parentela esset pu-  
blica, & notoria, absque judicio Eccle-  
siæ ab altero separari non potuisse, intel-  
ligitur, si non sit plenè notorium impedimen-  
tum parentelæ; quæ inter se non pü-  
gnant. Accedit, quod ea capitula agant  
de diversis casibus; illud nimis de di-  
vortio solùm *quoad rectum, & lectum,*  
manente tamen vinculo Conjugii; istud  
autem de divortio vinculi ipsius, etiam  
conjugalis; de quibus V. lib. 4. à numer.  
1516.

## §. V.

*An in causa matrimoniali agenti peti-  
torio, possit opponi possessoriū  
recuperanda?*

1257. **C**ausa iste habetur in c. *Ex conques-  
tione 10. h. t.* Caius miles Barbarum  
in Uxorem duxit, & filiam procreavit;  
postea eam sine Ecclesiæ judicio repulit,  
& literas à Papa impetravit ad Judices de-  
legatos, ut cognoscant, remota applica-  
tione, super impedimento Consanguinitatis;  
sed mulier, priusquam à judicibus  
citaretur, virum restitui sibi petiit ab Epi-  
scopo Ordinario, postea vero citata à de-

legatis, modò per se comparens, modò  
per Procuratorem, ante & post litis con-  
testationem, virum sibi restituì postula-  
vit, cùm autem Judices negatæ restitutio-  
ne (quod fieri non debebat) in causa prin-  
cipali procedere vellent, illa ad Sedem  
Apostolicam appellavit. His cognitis  
mandavit Lucius III. si ita est, ut mulieri  
vir restituatur, & quæ post appellationem  
acta sunt, in irritum revocentur, postea  
super matrimonii impedimento cognos-  
catur, ac definitur.

1258. Ex hoc casu habetur, quod tametsi u-  
nus Conjugum alterum à se repellat titulo  
impedimenti dirimentis, quo stante ma-  
trimonium nulliter contractum afferat;  
alterum tamen ab eo rejectum; si judicio  
possessorio recuperandæ perat ab Ordina-  
rio restitui, audiendam, dilato petitorio.  
Licet enim Caius in hoc casu, rejecta Ux-  
ore, propter latens impedimentum, con-  
sequenter nullitatem matrimonii, obti-  
nuerit rescriptum justitiae ad Judices dele-  
gatos, qui, etiam appellatione remota,  
cognoscerent super objecto impedimen-  
to; quia tamen Uxor petit contra factam  
spoliationem restitui, causa petendi legiti-  
timè probatæ; Lucius III. mandavit, su-  
spenso petitorio, Virum Mulieri restitui,  
ut colligitur ex casu; quo habetur, si Ma-  
ritus ejicens Uxorem contra matrimoniu-  
m agat propter impedimentum diri-  
mens, Uxorem ante & post litem contesta-  
tam per modum actionis, petendo resti-  
tutionem, suspendere posse judicium, ita  
ut prius super possessorio cognoscendum  
sit, ad Uxor's ejecteda restitutiohem; ita  
Innocent. hic num. 1. Panormit. num. 7.  
contra gloss. V. ante. Nam alioquin da-  
retur occasio, seu stimulus spoliandi, si  
spoliator agendo in petitorio, probando-  
quæ intentionem, possessorium *recupe-  
randæ* à se removere posset; confirmar-  
tur ex c. *Pastoral. 5. de causa posses-  
sionis.*

Et notandum, hanc doctrinam locum  
habere non tantum in causis matrimonia-  
libus; sed etiam in aliis, quibus agitur  
de jure incorporali, quod Conventus  
petitorio, tentare possit possessorium *re-  
cuprandæ*, ita, ut suspenso petitorio, hoc  
prius expediatur: pone in exemplo, Ca-  
pitulum agere contra Titium Clericum  
actio-

1259.

actionis negatoria in rem, ut à Judice declaretur, nullum ipsi jus capitulare competere: vel Dominum fundi simili actione agere contra vicinum, ut declaretur, agrum suum liberum esse à servitute, seu vicino jus nullum actus, seu itineris competere: in tali enim casu Reus convenitus, ante, vel post litem contestatam proponere potest actionem judicij possessoris, petendo se restitui in possessionem, quā per vim privatus sit, videlicet à Capitulo ejectus, à Domino ad fundum non admissus. Dixi de jure incorporali; nam ubi petitorio agitur de re corporali, Actor non possidet; adeoque Reus, à quo petitur possessio, non potest petere possessionis restitutionem.

1260.

Præter hæc not. quod, quamvis in hoc casu petitorum fuerit prius intentatum super consanguinitatem, nihilominus per possessorum, respiciens eandem rem, etiam per viam actionis, suspenderit ipsum petitorum, ut constat ex dict. c. 10. ibi: *quod fieri non debuit, nimirum, ut mulieri a Delegatis negaretur restitutio, non obstante petitorio prius intentato ex nullitate matrimonii propter impedimentum.* Nec obstat c. 2. de ord. cognit. ubi dicitur, quando agenti possessorio recuperandæ Reus opponit spoliationem per modum actionis, ejus petitionem, qui prius provocavit, debere prius cognosci,

& deinde alteram, simul tamen eadem sententiâ terminari; nam ibi textus loquitur de causis, quæ proponuntur tanquam *mutuae petitiones*, sese tanquam diversæ minimè contingentes; at in præsentि non sunt tales causæ *se non contingentes*; ergo.

Not. 2. quando unus Conjugum spoliatus ab altero agit possessorio recuperande, id duplice posse contingere; primo, ut in eo judicio nulla quæstio admisceatur de proprietate, seu valore matrimonii; sed tantum pura receptio Conjugis spoliati. 2. ut, ubi agitur de hac, misceatur etiam quæstio juris spiritualis v. g. de valore matrimonii, de jure vi Sacrorum Canonum divertendi, &c. & in hoc secundo casu judicium possorum etiam recuperanda pertinet ad solum Judicem Ecclesiasticum: in primo autem etiam secularis Judex est competens, ut docet gloss. in c. Non. 11. V. Uxores, de spons. & alia-pud Sanch. l. 9. D. 4. numer. 7. ubi ait: idem esse sentiendum de compulsione ad reddendum debitum, quam secularis Judex facere potest, si de valore matrimonii quæstio nulla sit.



## QVÆSTIO XIV.

### IN TIT. XIV. DE DOLO, ET CONTUMACIA.

1262.

**T**itulus iste spectat ad interdictum, ne vis fiat ei, quem Prætor mittit in possessionem, non tam adipiscendæ, vel retinendæ, aut recuperandæ possessionis; sed potius retinendæ, vel recuperandæ custodia, quam quis consequitur, quando per Prætorem quis mittitur in possessionem ex primo decreto, vel simili causa. Est autem primum decretum (ut notat Corvinus l. 3. juris canon. tit. 22.) prima à Judice jubente, ob contumaciam absens, in possessionem bonorum ejus, custo-

dia causa, facta missio, c. constitutis i. de eo, qui mitt. in poss. &c. Verba portrò edicti, quo Prætor missos in possessionem, tuerit, ut ait Gothofredus ad L. 1. ff. *Ne vis fiat ei, lit. Sunt hæc: si quis Dolō malo fecerit, quo minus quis permisit meo, ejusvè, chias ea iurisdictio fuit, in possessionem bonorum sit, in eum in factum iudicium, quanti ea res erit, ob quam in possessionem missus erit, dabo.*

Ex istis verbis deducitur duplex remedium, quo Prætor eis, qui resistuntur ex prime